

KANGURA

N° 16

IJWI RIGAMIJE GUKANGURA NO
KURENGERA RUBANDA
NYAMWINSHI.

100 FRW

MINISITIRI W'IMARI N'UBUKUNGU AGOMBA KWEKURA

UBUMWE BW'ABAHUTU NIYO MIZERO YABO.


M.R.N.D. igambanirwa uko bwije
uko bukeye!!!

AHO BIGEZE ABO KAMEYA
YITA ABAKIGA BATEYE
AGAHINDA

KUTABONA NO KUTUMVA BIMWE BITUMA ABAYOBOZI BAGONGANA N'ABO BAYOBORA

UBUYOBOZI BWA KANGURA BURAMENYESHA ABASOMYI BAYO KO KANGURA N° 15
ITASOHOTSE KUBERA IBIBAZO BYA POLITIKI. ABAFASHE IFATABUGUZI TURABASABA KO
BATWIHANGANIRA, IYO NOMERO TUZAYIBARIHA KU BURYO TUZABA TWUMVIKANYEHO.

KANGURA
N° 15
YAHAMBWE
UBUTAZAZUKA



Muri numero 17
tuzabagezaho dosiye
yerekeranve n'imiterere
mibi ya OVIBAR.

N° 16

EDITORIAL

IBARWA GISENYI — INFORMATION YANDIKIYE PEREZIDA WA REPUBULIKA.

Nyakubahwa Perezida wa Repubulika,

Nyuma ya Kongre ya Mbere Idasanzwe ya M.R.N.D. yashyigikiye kandi igahamya icyifuzo cy'uko Igihugu cyacu cyagendera kuri Politiki y'Amashyaka menshi, twebw abagize «Groupe GISENYI-INFORMATION» bakora umwuga w'itangazamakuru, hari amagambo twifuzaga kubagezaho tubikuye ku mutima. Turibanda ku bibazo bya Politiki n'iby'Ubukungu.

Nyakubahwa Perezida wa Repubulika, abenshi twanyuzwe n'ibikubiye mu ijamba mwagejeje ku banyarwanda twese mutangiza iyo Kongre. Keretse bake na none umuntu yakwita ba «Ntamuhoza». Ririya jambo ryongeye guha imbaraga imbaga nyamwinshi y'abanyarwanda (la majorité), riyiha icyizere, ariko nanone rihumuriza abake mu bwinshi (la minorité), kuko ritigeze ribaha akato. Twarabibashimiye, ahasigaye ariko ni aho guhuza imvugo n'ingiro.

Nyakubahwa Perezida wa Repubulika, abenshi barifuza ko mwavugurura vuba abari mu nzego za Politiki (Komite-Nyobozi ya M.R.N.D.), n'abari mu nzego z'ubutegetsi, izo nzego mukaziha umurego mushya, mukazihuza n'ibi bihe bikomeye turimo by'intambara y'amasasu, iy'amashyaka menshi ya Politiki, n'iy'ubukungu bwifashe nabi.

Nyakubahwa Perezida wa Repubulika, mbere yo kugera ku bibazo by'ubukungu, turabasaba kuzashishoza mu gushyiraho Minisitiri w'Intebe. Azabe rwose ari umugabo ushobora kunyura rubanda, umugabo w'inyangamugayo, utari n'inkotanyi, kandi utameze nka bariya bakomeje kugaburira ibyitso by'inkotanyi byafunguwe, mu gihe abazahajwe n'intambara banywa amazi bakaryama. Ngo abo baherwe bagendera mu

navatiri agezweho bahembwa ibihumbi cumi buri kwezi!

Nyakubahwa Perezida wa Repubulika, mu by'ubukungu turifuza ko ibya rubanda byarushaho gucungwa neza, iriya mfashanyo n'impano duherutse guhabwa n'ibihugu by'inshuti n'imiryango mpuzamahanga ntiyongere kubitswa ibisambo kandi birahari. Uwahakana ko ibisahiranda bidahari, yasobanura neza amarenga ari mu «ISIHA RUSAHUZI» muri «BANGAHEZA» n'ahandi henshi!

Nyakubahwa Perezida wa Repubulika, umusanzu ngobokagihugu cyane cyane muri ibi bihe by'intambara, nta n'umwe uwurwanya, ariko kandi abakozi bakwiriye kubanza kubazwa icyo babitekerezaho mbere y'uko bagushwaho akandare k'imibare (8%), kandi hari n'ahandi dushobora gushakishiriza mbere yo gutekerezaga ashahara k'abakozi katicya ntigakize. Abategetsi bo hejuru nibahare ibyo bagenerwa, Leta nireke gukodesha amazu ikorere mu yayo, imodoka za Leta nizeke kunywa Lisansi nk'izinywa Sebeya. Izo ni ingero, hari n'ahandi.

Nyakubahwa Perezida wa Repubulika, GISENYI-INFORMATION irabashyigikiye, kandi ntizatezuka ku ntego yayo yo kubagezaho iriyiniga mu gihe cyose rigamije kugira icyo ryungura rubanda nyamwinshi.

Murwanashyaka Perezida wa Repubulika, twebw tumaze gusesengura ibyabereye mu Rwanda mu minsi ishize, turasanga bariya bashinzwe kuneka, hari byinshi batababwirira. None se kuki batarashyira ahagaragara abarashe mu ijoro ryo ku itariki ya kane rishyira iya gatanu z'ukwa cumi?

None rero ibyegera byawe tuzabitangariza rubanda vuba aha Namwe noneho muzabona ko biriya byegera byanyu bisaziye mu myanya, ko hari byinshi bibahisha cyangwa se birwanaho.

Ese ibivugwa n'ibinyamakuru kurupfu rwa MAYUYA, aho abashinzwe kubasomera ibyandikwa muri ibyo binyamakuru hari icyo baba babibabwiraho? Ese biriya byegera byanyu bitarashyira ahagaragara urupfu rwa MAYUYA, aho koko ni shyashya? Kubera ko iyo twatangaje inkuru ikomeye duhura n'ingorane ndetse ko hari ubwo hoherezwa abantu ngo badutsinde aho batuboneye hose, twabasabaga ko tutazazira ukuri tugiye kuzatangaza kuri biriya bibazo byose twavuze. Sinarangiza ntabamenyesheje ko Ibiro by'Iperereza biyobowe n'uwitwa Donati, ntacyo bizatugobokaho, haba ku mutekano wanyu cyangwa se ku w'Igihugu. Dore zimwe mu ngero z'ibikorwa bibi by'ibyo biro:

Inyandiko mumaze iminsi musoma mu binayamakuru: IJAMBO, UMURANGA, muziko ziriya nyandiko ziba zakozwe n'Ibiro by'Iperereza biyobowe na Donati? Dore hari agatsiko ka ba maneko biyemeje kuzambya biriya biro. Impamvu mvuze ko biyemeje kuzambya ni uko biriya bisobanuro basohora mu binayamakuru bifite ukuri bagombye kubibashyikiriza, kuko ari mwe bayobozi b'ikirenga b'ibyo biro.

Ese ko Ibiro by'Iperereza byagombye gukorera mu ibanga, none bikaba bigaragara ko nta banga ribiranga, habuze iki ngo abo banzi b'Igihugu bakinekeramuramubona? Ese kumena amabanga y'Igihugu nta cyaha kikirimo?

Reka tubagezeho ibyanditswe na SEMUSAMBI ku rupfu rwa Koloneli MAYUYA:

DUKOSORE.

Kuri p. 6 twanditse ngo: Ubwo se barabona ko bitabagirira akamaro abo muri M.R.N.D. na [] bagize ishyamba rimwe; Aho kwandikwa: Ubwo se muri M.R.N.D. na M.D.R. bagize ishyamba rimwe;

U RWANDA RWIGENGA RUKENEYE UBUMWE N'UBWIYUNGE BW'ABAHUTU BARUTUYE.

Ibihe tugezemo bidusaba kurushaho kuzirikana ku mibereho ya bene wacu, n'imibereho y'abuzukuru n'abuzukuruza bacu mu myaka iri imbere. Inkotanyi zaratsinzwe ariko ntizishobora kubiyihanganira, ni nayo mpamvu ubu zafashe umugambi wo gukoresha ibyitso biri hano mu gihugu kugira ngo bibafashe guhirika M.R.N.D., bishyireho Parmehutu, ariko Parmehutu nimara gutorwa, ngo bazatangira kwisuganya batere noneho igitero simusiga, ngo cyo gukuraho ishyaka «ronda-moko». Ngo kandi Parmehutu kubera ko abazungu bayizi, ngo ntibazazuyaza gutwerera izo nyanga-rwanda no kuzifasha guhirika ubutegetsu mu Rwanda. Maze rero gahutu arabe maso, umugambi ni uwo kunga ubumwe kugira ngo abana ba Gahutu bashobore guhangana n'abo batusti.

UZAREBA NABI BAZAMU- KURAMO IJISHO.

Abo batustibari hanze aha basigaye bateye ubwoba, utazabitorera bazamuhitana. Ubu iyo bahuye n'umuhutu babyimbya amajigo, bamusanga mu kabare bakamukanurira amaso, we yabasanga aho banywera (yibeshye) bati: «Ntakuvanga ihene n'intama». Aha rero umuntu yakwibaza ati, ese intama ni nde? ihene ni nde? Gahutu amenye ko yatsinze umwanzi, akaba umuntu yamugereranya n'igiti batemye, ariko akavura nikagwa kikaba kizashibuka. Kugirango ibishibu byacyo umuntu ashobore kujya abirimbura agomba kuba maso agahora abicunga.

Natwe rero tumenye ko icyo giti gishobora kuba gifite imizi hano iwacu, tugomba rero guhora tukigenzura bitabaye ibyo abana bacu ntibaza-hangana nacyo.

ABAHUTU BAGOMBA KWIBU- MBIRA MU MUTWE UMWE W'ISHYAKA NIBA BASHAKA GUKOMEZA KUBA MURI REPU- BULIKA.

Ibihe turimo byatweretse byinshi, ariko benshi mu bahutu ntibarahumuka ngo bamenye koko iyo biya, cyanga se iyo biherereye. Nawe se urabona abahutu batangiye kwicamo uduce, ngo bararwanira amashyaka, ariko bakiyibagiza ko FPR itava ku izima. Ubwo se barabona ko bitabagirira akamaro abo muri M.R.N.D. na FPR bagize ishyaka rimwe, rirengerwa rubanda nyamwinshi? Nyamara abashaka kuducamo uduce bakwiye kwihana, bakarebera hamwe uko abahutu bose bahurira hamwe! Mbese mwigeze mubona muri uru Rwanda aho abatutsi baryana? Barasangira, barasekerana niyo bataziranye, ariko uwaroze abahutu koko ngo ntiyakarabye! Njye mbona ubumwe, n'ubwiyunge bw'abahutu bose ari ngombwa, naho niba bitabaye, muzirebera inkurikizi yabyo.

UMUHUTU NTACYO APFA N'UMUTUTSI, ARIKO ...

Abatutsi badusanze mu Rwanda, baradupya ingaza, turabyihanganira, none kubona twari twaravuye mu buhake bakaba bashaka kujya batubyukiriza ku kiboko ndumva nta muhutu n'umwe wabyihanganira, kandi niba Gahutu arwana intambara yo guhashya umwanzi, ni ngombwa, kubera ko agomba kurwanirira Repubulika, kandi abahutu bose bakamenya ko ba Gashakabuhake nibagera i Rwanda batazajogora abahutu ba ruguru cyangwa se b'epfo, ahubwo bamenyeko akabo bose kazaba kashobotse. Maze rero bene gahutu,

murebe uko mwakwikosora muhurize hamwe ibitekerezo mwubakire hamwe urwababyaye kandi mumenye ko abana banyu, abuzukuru n'abuzukuruza banyu arimwe bakesha ubuzima bwiza.

BAGOMBA KWEMERA ABA- HUTU BAKABATEGEKA.

Twese tuzi ko ubu abatutsi benshi babababaye kubona bene wabo batsindwa, ariko benshi bavuga ko urugamba rugikomeza. Ntabwo navuga ko bafite ukuri, ariko uwategetse cyami ntashobora kubireka, muzabaririze hose, muzasanga ibintu byo guhaka bidashobora kuva mu maraso ya ba nyirabyo. Sinshobora rero kwiyumvisha ukuntu umuntu wishakira ubutegetsu bwa cyami bamushyira mu butegetsu bwa Repubulika adashyigikiye ngo ako kazi azagakorana umurava? Ahubwo aho kugira icyo akorera iyo Repubulika atemera, we azakora uko ashoboye abizambye kugirango bene wabo bazagire aho bahera banenga ubutegetsu.

Ibi mbivugiye impamvu nyinshi, urebye neza, usanga ubwo bwoko butishimira cyane iyo myanya bubona kandi njye nkabona ko atari byiza gufata abantu batsinzwe mu matora bakabaha imyanya mu butegetsu bwa Repubulika kandi baburwanya. Bo bashaka ingoma ya cyami, nibategereze nibabigeraho nabo bazategeke, ariko niba batarabigeraho nibemere, bategekwe n'abahutu, kandi abahutu ntabwo bazabahutaza, cyangwa se ngo baryamirwe. Ndemeza ko babahaye umwanya bakwiye, agasuzuguro kabo kagabanyuka.

BAGOMBA KUGIRA ISHYAKA RYABO BIHARIYE

Ibihe tugezemo biratugaragariza ko inyenzi (bene wabo w'abatutsi) ari ubwoko budashobora kwihanganira gahutu mu Rwanda, none ukaba usanga intambara itazarangira vuba. Ngirango abasore b'abahutu bafite imyaka 18 kera bumvaga ababyeyi babo babasobanurira ubugome bw'inyenzi bakabyita amakabya nkuru, none kuva ku mwana ugutangira ikiburamwaka azi inyenzi icyo ari cyo, kandi we aziko inkotanyi ari abatutsi, ibi rero kuzabikura mu mitwe yabo ntibyoroshye. Ikindi giteye ubwoba, ni uko insoresore z'intutsi nazo zumvaga bavuga uko inyenzi zitera, nazo ntabwo zabyumvaga neza, none ubu zabonye ukuntu bene wabo bagira abahutu, zabonye ukuntuzigomba gutunganya gahutu igihe nikigera, kandi nazo ubu zishaka ubundi buryo tutazi bwo gutsemba bene wacu, ibyo byose bikaba bidusaba kugira ishyaka riturengeza, kandi ribishoboye, tuticiyemo uduce.

Naho rero kubera ko mu minsi iri imbere abahutu bagifite agahinda k'abantu babo, n'abaturanyi babo baguye ku rugamba, kandi bakaba

badashobora guhita bibagirwa ibikorwa bya kijyambere bari bigireyehe bikaba byaraseywe n'intambara y'inyenzi, ndetse uretse n'ibyo, wareba umujinya w'abatutsi bari hanze aha, kandi bakaba bawufitiye abahutu, usanga umututsi atagomba kujya mu ishyaka ry'abahutu kubera ko batazaba bamufitiye icyizere gihagiye, kandi ntibazabe bavuga rumwe. Uretse n'ibyo ntawashidikanya ko abahutu n'abatutsi bafite indi sura kuva aho inyenzi zitereye.

BAGOMBA GUSABA IMBABAZI, BAKANICUZA ICYO CYAHA IMBERE YIMANA.

Abantu benshi bagomba kumenya ko M.R.N.D. yadukoreye byinshi byiza, kandi abatutsi nibo bagomba kujya bayishimira cyane kubera ko bayiciye inyuma bashaka kuyikubita agafuni mu mutwe, bagasanga yo ihagaze bwuma, agafuni ntabwo kayitsinsuye nkuko babyifuzaga, ahubwo karayikome-rekeje iravirirana, M.R.N.D. nziza yabagiriye imbabazi ariko uzumve bayishimira!

Uretse n'ibyo, ubutegetsiburacyarwaza, bureba niba

bashobora kuva ku izima. Ariko se icyizere ko ari cyose, Perezida yabaye imbabazi baranga baranangira, noneho ahubwo ngo bashobora kuba baraguriye abantu bo kutwoherereza amaraso arimo SIDA, bakajya bayatera indembe zacu. Murumva rwose ibyo bintu bitarengeje kamere! tuributsa ababishinzwe kugenzura bihagiye, kubera ko turebye nabi n'abasirikari bacu barwariye mu bitaro bashobora kubavangira amaraso cyangwa se bamwe bakajya babatera amaraso adahuye n'ayo bari bafitenayo akaba ari amayeri y'umwanzi ashakagukoresha kugira ngo agarike imbaga!

Icyizere cy'ubu nicyo gishobora kuturoha, ngo «isoni zirisha uburozi», namwe mube maso, mugenzure ibizungereze bikora mu bitaro byose byo mu gihugu, kubera ko mushobora kuza byibuka bitagifite igaruriro. Abantu batari bake bavuga ko ibyo bizungereze ari byinshi muri MINISANTE kandi ariyo dukesha ubuzima bwiza bw'abaturarwanda.

Intambara iracyakomeza. Mwongere umurava wo guhashya umwanzi.

Umusomvi wa KANGURA.



AMAJYAMBERE MU ITANGAZAMAKURU

Ibiro ntaramakuru byigenga GISENYI-INFORMATION bikorera ku Gisenyi, bishimishijwe no kumenyesha abatuye umujyi wa Gisenyi na Goma ko twabungukiye Radiyo izajya ivugira ku murongo wa F.M.

Iyo Radiyo, byose bigenze neza yatangira le 1/7/1991. Izajya ivuga

amanywa n'ijoro (24 h/24 h). Izajya itangaza igiswahiri, ikinyarwanda, n'icyongereza, tutaretse igifaransa; tuzatangira dutangaza umuziki ugezweho, amatangazo, twamamaza, gutumira abazashinga amashyamba ngo baze basobanurire rubanda imigambi yabo.

Mbese muri make, Radiyo yacu izagenda ku byifuzo by'abayumva. Izohereza amajwi ku burebure bwa kilometero 35 km uvuye aho izakorera muri segiteri Gisenyi. Izina twayiboneye ni «LA VOIX DU PEUPLE». Abashaka ibindi bisobanuro babaza NGEZE Hassan kuri telephone 7 35 86.

NGIRE ICYO NIBWIRIRA MUVOMA (M.R.N.D.) YA NONE N'IYEJO.

KUTUMVA NO KUTABONA BIMWE, BITUMA ABAYOBOZI BAHORA BAGONGANA N'ABO BAYOBORA.

Ntimundambirwe niko kanya mbonye.


MRND Ramba! Iminsi ibaye myinshi tubana, ariko numva iby'amaso yawe n'amatwi yawe bidakunze gukurikiza icyo watoje abanyarwanda kuva washingwa na Fondateri. Ugira utya rero ukumva ngo Ijisho rya Muvoma ririmo kukureba, wavuga ukumva ngo amatwi yaguteye icyumvirizo, ariko wareba neza, nturabukwe na busa! Nibwo aho ntangiriyeye guhunyeyeza no kuzibuka, ngo burya buri wese ari muri Muvoma, kandi ni Ijisho n'amatwi byayo! Kandi nyamara nibyo. Ubwo numvaga nta muntu ushobora kwanduranya atagaramye. Nyamara sinatinze kubona ko bose atari kimwe, ko habonwa Rubanda ikanumvwa na bene inoti bahora bakanuye ngo rubanda itarabukwa! Bakihutira kuyipfukirana mubyo yabonye kandi yumvise, ubwo induru za rubanda ntizikugereho.

Umva re! Hummmm!!!

Nibyo, uko imyaka yagendaga ihita nashoboye kubona no kumva amabwiriza Fondateri atanga atariko ashirishwa mu bikorwa n'abamufasha. Nibwo twagiye twumva ngo udakoze ibi ngo ntabwo ari umumilita, ngo arwanyira Muvoma. Ndetse hari n'abakura umugabo mu rwe bakamuta ku gasi agata urwe akaba inkoreragahato za bene inoti bakesha, kubaho kwa Muvoma, ubwo ugata urwawe ukubaha, ariko ubikorera ijisho kugira ngo bene gushaka amanota bita aya Muvoma bayabone kandi ntibaviremo aho kubera wowe. Hagakorerwa ijisho rero, ari ukubera kuritinya, kuko rikuri

inyuma ryishakira amanota n'ubuhangange mu gihugu. Ubwo rero natwe tukiyemera ngo turi amaso n'amatwi bya Muvoma, kandi barabimenaguje inyundo (Bagupfukirana)! Watanga igitekerezo ukurikije uko wumva Fondateri, bati uyu imbehe arazubika. Wagira uti mbona iki, bati have sha, ubwo bakakumvisha ukazapfa utongeye kwipfukura. Maze ugakanura utabona ukabanga amatwi utumva! Mbese uba uri ku munigo w'igitugu cy'abatware!

Fondateri yaratwizeye, maze bakica agasozi. «Utanyumva ngo anyemere ni umwanzi wa Muvoma». «Urarwanya Muvoma sha»? Ubwo rero ugatabwa muri yombi! Ukabyitirira Muvoma kubera abategetsi bawe babi. Abantu bagashira n'inzara bakabura ubabika, naho imbere ya Fondateri bati ni amahoro. Mu gihugu nyamara kandi imiborogo ari yose, itewe n'uburangare bw'abagiriwe icyizere, maze ibyo byose bigatuma byitirirwa Muvoma. Abo bategetsi rero na nubu



Mama Fondateri na Muvoma barengana!

Fondateri yahimbye Muvoma ayiha imigambi ihamye, ugira ngo ndabeshya azafate Manifeste ya MRND, maze atubwire aho imwaye. Uretse ko MRND izongwa n'abo yizera bayitesha abayizera! Kubera rero ko yatumye MRND mu Rwanda hose ndetse no mu mahanga (ku banyarwanda batuyeyo) yagiye yifashisha abo yizeye, buri wese akamuha Manifeste akayitwara mu ikoti, bagera iyo batumwe, bati

bagikomeza kuduteranya na Muvoma batwima uburenganzira bwacu, ndumva Muvoma yari ikwiye kubakurikirana mu maguru mashya abantu batarinuba, maze ngo bahitemo gucika Muvoma bigira mu yandi mashyamba bajyanwe n'uburakari gusa, ari nta kindi kibajanyeye.

Kandi Muvoma, ibi wibuke ko atari nje ubikubwiye wa mbere. Nyamara abo utegekeshaga muri iki gihe benshi barakugera amashoka. Ba Burugumesitiri na ba Perefe

bigize intakoreka, ntabwo muri iki gihe bagombye gukomeza kwitwa ba perezida ba Muvoma, kuko ibyo badukorera twe ba milita na bamilitante turabizi, n'ubwo baduhumye amaso bakatumena n'amatwi! Kandi amakosa yabo akomeza kukwitirirwa.

None rero Muvoma, twese tuzi ko wiringira ijosi rikakubyarira umwingo. Kuko ngo abo mwagiriye icyizere, amakosa yabo ni wowe na Fondateri muzabiryoze! Eh! Muziregura mute mu gihe andi mashyaka azaba akeneye ko mugabana n'ibyo utunze? Shaka ba Avoka benshi rero. Naho ubundi (aha ndabwira abijunditse Muvoma) ntabwo amakosa y'abantu yakwitirirwa Muvoma cyangwa uwayihanze ngo ni uko yabizeye. Kandi namwe kugira ngo mube muvuga ayo yose, ni uko Muvoma yabahaye urubuga namwe rero yarabizeye none dore nimwe muyibereye umwingo. Rwose tube abagabo. Sinumva uko Muvoma yaryozwa amakosa y'abantu ngo ni uko ari abakozi bayo. Ahubwo mwagombye kuyifasha mukayitungira agatoki kuri ziriya ntakoreka zitwaza Muvoma kandi ziyiharabika.

Muvoma wapfa intorezo ku gakanu!!!

Dore uragerwa intorezo n'abo wagushije ivutu hamwe n'abo uherutse kwizera batarabona ayabo ngo ejo ugiye kuvamo bataragwiza, ngo ntibaviramo aho. Dore abantu bamaze iminsi bakuburira ko hari abo wikururira ngo bazagukoraho muri rubanda, ngo baragushakira amajwi bahonga rubanda. Ibyo nubikora uzaba wiyemeje icyaha. Ubundi muri 75 twakwishimiye hari impongano uduhaye? Ubonye imyaka utumazemo yose, none ngo n'ujya kwiyamamaza nawe uzaduhonge tubone kuguturira! Noneho rero waba utakitwizera bigeze aho kudukubona? Erega wikangwa n'urusaku rwo mu mijyi, naho mu cyaro turagukunda, kandi nitwe benshi. Ahubwo irinde abo ba kidobya bakuri iruhande baguha raporo z'impimbano bagutaka bagushimagiza mu biro, naho muri rubanda bicika! Ntagupfa

gusambira rero utazasambiranya ibirura n'intama, maze ugasambira n'abitwaje amashoka bagera mu mbere bakayamanikira icyarimwe maze ukabura aho ukwirwa maze bakakwasaguriza icyarimwe ukarimbuka nk'ifuni iheze! Bate? Dore ab'inkwaku bakwitumye n'aba bakomeza kukwitwaza no muri ibi bihe bibi turimo, none rubanda ikaba yibaza impamvu udatabara bikiri bwangu ngo biriya bigirwamana bicogore, byoye gukomeza kuguharabika, ugashyirwa mu majwi bitari ngombwa.

M bese ugira ngo Konseye w'iki gihe we ariyoroheje? Yihagazeho! N'agatabo k'umusanzu wa Muvoma da! Cyongaho nyumvira uriya muturage umanukanye ijana yakoreye gusa agiye gushaka ikiro cy'ibishyimbo n'ubufu, agakubitana n'umukwabu wa Konseye! Rya-jana-bakarimwaka, agasubiranayo agapapuro k'umusanzu, ariko iryo joro akaburara! Ejo yajya kuri Komini gufatayo ibya ngombwa, akabibura kubera ubukene bwo kuba atujuje ibindi, imisoro n'imisanzu ya Komini n'ibindi byinshi Komini yihariye, maze byose muri ibyo bikakwitirirwa. Baraguharabika babyitayeho, kuko twe twibera mu cyaro tubona byinshi, kandi nyamara abaturage baragukunda, ariko abatware bawe bakabateranya kubera gushaka amanota no gukuramo ayabo, maze umuturage yataka bakamupfukirana, bityo amaso n'amatwi byagukoreraga bigakubitwaho igipfuko.

Ntanze urugero ruri hafi, nka Komini ya Rubavu isa n'itarigeze ibona umuyobozi kandi yitwa ngo iri mu muji. Abo njya numva bashimwa ni uwitwa RUSAPFU (1^{re} République) na MURAYI (2^e République) gusa, naho ubundi Rubavu nta kiyobora. Tukaba duhamya ko byaba byaraterwaga na Perefe (...). Twizere ko uriya azayivuganira, tukabona Burugumesitiri ukorana n'abaturage uretse uriya utagira na Konseye n'umwe bumvikana yewe, n'abo mu biro bose (soma KANGURA n° 5 p. 19) ni kimwe n'abandi bose bayitegetse, rero tukaba twibaza impamvu Komine nzima yabura umutegetsu. Niba bidaterwa na ba Perefe bapropoza ba ndiyo bwana.

Rubavu yarapfundikiranwe rero. Naho ba Mahera ngo baba bari

bashishikajwe no kuyigabamo kabiri, maze a bo mu cyaro tugahera iyo! Kandi Perefe (...) ngo yaba yari abishyigikiye, uretse ko yagiye bitaraba. Aho kutuzanira Banki y'Abaturage, bajanyiye abanyamujyi kandi hariyo za B.K. na B.C.R., ubwo byose batindika iyo epfo!!! Kubona tutazi kuzigama icyo ari cyo! Noneho tureke Rubavu, dufate Nyamyumba, Rwerere, Kanama se! Yewe, na Mutura. Rwose ubwo abagoyi twazize iki? Kandi ni uriya Mugabo, kuko niwe wari uhagarariye Muvoma na Leta ino. Ubwo se yatumariye iki? Tujya twumva ko hari n'abandi muri uru Rwanda duhuje ibyo bibazo. Muvoma, turishakira abategetsu baduteza imbere. Uretse abirirwa badutaranga ngo turi abasinzi b'abanyamahane, aho kutuzahura! Turebye muri za Purizo, twasanga abagoyi ari bo benshi barimo? Nuko rero bamara kudukubura butunda basanzwe batamenyereye, bashaka kujya mu cyumba bakibona hanze, ubwo ngo abagoyi ni abasinzi! Dukeneye amajyambere nk'abandi, kuko ayo duheruka ari aya BIGIRUMWAMI. Kuko KARIBUSHI we yanangiyeye! Ariko wamutwingingira. Nibyo rata Muvoma ubwo wadukijije igihangange, wenda n'ibindi biri inyuma. Baraturubeshyera rwose ntidutemana, uretse ko iyo dutewe twitabara, ubwo tukitirirwa urugomo n'uwaduteye nka za nkotanyi! None rero Muvoma uzatubwirire Fondateri ko dukeneye by'ibanze abayobozi ba Komini hagati aho n'abarimu babishoboye maze abo akaba ari bo duheraho tuzamuka. Fondateri ni umubyeyi, Muvoma ubimubwiye ntabwo yabikwangira.

Yewe ndarambiranye, reka nsezere!

Nuko Komera rero wowe M.R.N.D. ivuguruye, wowe na Fondateri wawe iwacu i Rubavu, turagushyigikiye, tugutegereje ubudahwema. Tuzaba duhurira mu matora cyangwa wadusuye mbere yayo. Komera turagukunda muri Rubavu ntitugira umwaga, iwacu i Bugoyi turasabana. Yewe, nunaza tuzagusomya kuri ka butunda, ndetse nibiba ngombwa ubonye bishoboka uzatwigire n'icyo kibazo cy'urwo rutoki (iyo nka y'abagoyi idakama), kuko n'iyi dukuramo umusanzu wo kugushyigikira.

Kaze neza iwacu i Bugoyi urisanga.

BASHOBOYIKI Pascal,

KUBABARIRA UTABIGUSABYE NI UGUTA INYUMA YA HUYE.

Muri iki gihe cy'intambara turimo, usanga rubanda nyamwinshi itarakiriye neza imbabazi Umukuru w'Igihugu yagiriye abanzi b'u Rwanda, aribo inyenzi-inkotanyi n'ibitso byazo. Abantu benshi usanga bavuga ngo yatsindiriye abanzi b'u Rwanda imbabazi bashakaga gutikiza abahutu n'abatutsi badakaze mu bugome, ngo kuko abo banzi yahaye imbabazi batigeze bazisaba, ngo ndetse no kuva bahabwa izo mbabazi ntibarava ku izima, ngo bashyire intwari hasi. Inyenzi-inkotanyi koko ntizirareka umugambi mubi wazo, kuko zigikomeza kwica urubozo abaturage bo ku mupaka w'u Rwanda n'u Buganda, ndetse n'ibitso byazo byafunguwe byirirwa bivuga ngo byaratsinze, ngo kandi bizihorera.

Abahutu benshi usanga bavuga ngo abategetsi bacu noneho si ugutanga imbabazi bashakaga kurusha Imana, ngo kuko kugira ngo nayo ikugirire imbabazi, ugomba kubanza kwicuza ibyaha byawe; waba uri umukirisitu w'umugatorika ukajya mu ntebe ya penetensiya kwa Padiri, cyangwa kwa Musenyiri. Waba uri mu rindi dini, ukihanira ibyaha byawe mu ruhame. Mu muco wa kinyarwanda naho, iyo umuntu yaguhemukiye ashakaga ababyeyi, abavandimwe n'incuti, agashakaga n'inzoga akaguturira, maze bakamusabira imbabazi, nawe ubwe akazisabira, akanagusezeranya ko atazongera kuguhemukira. Iyo bibaye ngombwa, umuha imbabazi ako kanya, bitashoboka bakazagaruka umaze kugisha inama umuryango, ukakubwira icyo utekereza ku mbabazi usabwa, maze ukabona kuzitanga, kuko burya uhemukiye umubyeyi ntaba asize abana be.

Inyenzi-inkotanyi n'ibitso byazo zagombaga gusaba imbabazi abahutu n'abatwa zari zigambiriye kumarira ku icumu, mbere yo guhabwa ziriya mbabazi. Zagombaga kubwira ababyeyi

bazo n'abavandimwe bazo bari mu Rwanda, bagaterana maze bakandikira abahutu n'abatwa ibaruwa yo kubasabira imbabazi, babinyujije kuri Perezida wa Repubulika. Inyenzi-inkotanyi nazo, zagombaga gusaba imbabazi mu nyandiko, byaba ngombwa zikica icyiru. Ibyo byose ariko ntibyakozwe ahubwo bene Gatutsi bitoyemo ba nyoni-nyinshi umunani bayobowe na NTASHAMAJE Antoine, afatanyije na KARENZI Pierre Claver, bandika ibaruwa yo gutuka abahutu babandagaza, ngo ni ba rusahurira-munduru, maze bayishyikiriza Perezida wa Repubulika. Ese gutukana niko gusaba imbabazi za bene wabo batwiciye abasirikari, bakatwicira ababyeyi n'abana ku mupaka, bakanaturaza amajoro tudasinziriye bataretse no kuduteza ubukene?

Ikibabaza abahutu benshi, ni uko abo banzi babo bamaze kubona imbabazi z'Umukuru w'Igihugu, bakagenda bamunyege ngo abapfundagira imbabazi batazimusabye ngo ndetse nta n'uburenganzira afite bwo kuzibaha. Abandi muri abo banzi b'u Rwanda, cyane cyane ibitso by'inyenzi, byamuhaye urwamenyo bivuga ngo abonye bagiye kudutsinda, abaha imbabazi ngo nibafungure ariko ntibazava ku izima, bazashirwa ari uko abahutu n'abatwa bashize mu Rwanda.

Abantu benshi iyo bumvise ayo magambo, basanga Umukuru w'Igihugu yaragombaga kubanza kugisha inama abaturage, mbese akabanza agatumiza Kongre idasanzwe ya M.R.N.D., ikagira icyo ivuga kuri izo mbabazi. Abahutu bose bari kwicwa n'inyenzi-inkotanyi, bagombaga kubanza kugishwa inama. Abenshi usanga bavuga ngo: ko se yazitanye abadutera bagakomeza kutwoherezamo urusasu, ndetse n'ibitso byabo bigakomeza kwivovota ngo bizihorera, izo mbabazi zagira gaciro ki uretse kudusebya ngo abahutu ntibazigeze guhabwa, ngo ni abanyenda ninir bababarira abadashakaga

imbabazi zabo? Yewe, kubabarira utabigusabye ni uguta inyuma ya Huyeye!

Nyewe ndasanga mu gihe u Rwanda ruzaba rugendera kuri politiki y'amashyamba menshi, Umukuru w'Igihugu yagombye kuzajya aha imbabazi abantu bazisabye gusa. Abashakaga gusaba imbabazi cyangwa abashakaga kuzisabira bene wabo, bagomba kwandikira Inteko Ishinga Amategeko, maze ikiga ikifuzo cyabo neza, yamara kukiga ikagishyikiriza ubutegetsi bw'ubucamanza, wasanga izo mbabazi ari ngombwa, bukurikije amadosiye yabo bantu, bukabimeyeshya abadepite nabo bagasaba Perezida wa Repubulika gutanga imbabazi. Perezida yabona ari ngombwa akazitanga, yabona atari ngombwa ntazitanga.

Bitoye bizatuma ubutegetsi nyubahirizategeko butavanaho ibyemezo by'ubutegetsi bw'ubucamanza igihe atari ngombwa. Ibi ndabivugaga kuko ntekereza ko mu gihe cya politiki y'amashyamba menshi Umukuru w'Igihugu ashobora gukoresha ububasha bwo gutanga imbabazi akababarira abayoboze b'ishyamba ryamutoshesheje, incuti ze, abanyereje umutungo w'Igihugu cyangwa abahemukiye abaturage ku buryo batagomba kubona imbabazi kugira ngo ubutaha azongere abone amajwi. Rero imbabazi zigomba guhabwa uwazisabye mu buryo bwemewe n'amategeko.

HATEGEKIMANA J. Baptiste.
Kigali

N.d.l.r: Mu gihe cy'intambara, Perezida wa Repubulika ashobora gufata ibyemezo byihutirwa kugirango amahoro agaruke vuba mu gihugu. Imbabazi yatanze rero nicyo zari ziga mije, kandi abifitiye uburenganzira. Kuba Inkotanyi zikidutera biragaragaza ubugome bwazo zavukanye kandi nizatava ku izima ngo zubahirize ibyo zasinyiye i Nsele zizashirira ku icumu.

ORINFOR NIREKE GUKORERA KU BWOBA NO MU BWIRU.

Muri iyi minsi hari byinshi byavugururwe muri icyo kigo, kubera ahari umuyobozi wacyo mushya. icyakora kandi, hari byinshi bikwiriye guhinduka. Radiyo Rwanda ni itugezaho vuba amakuru y'u Rwanda,

kandi yirinde kuyayungurura. Ibyo nibyo bishobora kurandura burundu impuha, n'amakuru ya Radiyo rumwa, akenshi aba afite ishingiro.

Birababaje kubona iby'imyigarambyo yabereye muri Gereza ya Kigali kuwa kane, Radiyo Rwanda yarabitujejeho kuwa gatandatu

nimugoroba, inkuru yarabaye amateka, kandi nabwo ari ibinyoma kuko nta munyamakuru n'umwe wahageze. Mu ruhando rw'amashyamba hazakora ukuri kuzira igitugu n'uburyarya kandi byose mu butabera.

La Rédaction

NDASHIMA M.D.R. NYIFURIZA GUTSINDA.

Muri ibi bihe abanyarwanda bamaze gucengerwa n'umwuka wa demokarasi bazaniwe na Perezida HABYARIMANA, hari bamwe babyitwaramo nabi bakaba bashakira kwitiranywa Demokarasi n'ubupfura buke, n'ibinyoma cyangwa se amatiku. Niba rero ari uko dutangiye twumva demokarasi, yaba irutwa n'ishyamba rimwe ku butegetsi kuko byibuze ho nta kajagari kahaba. icyakora nje narinzi yuko demokarasi bivugaga kutaniganwa ijamba, ukavugaga icyo utekereza mu bwisanzure kandi mu kinyabupfura ugamiye kubaka atari ugusebanyira no gusenya. Nawe se icyo ufashye inyandiko ugamiye guharabika kanaka, ukayishyira mu kinyamakuru uba ugamiye iki? Uba se wunguye iki abasomye inyandiko yawe? Njye mbona uba usebeje uwo wanditse nawe utiretse!

Umunyarwanda usheshe akanguhe niwe witegereje neza arangije aravugaga ati: «usohotse uko ari ntabugayirwa». Niba rero usobanukiwe na demokarasi, wakwandikira amakosa y'uwo muntu ariko utamuhimbira uhubwo ukanamubwira uko yakwikosorira. Ibyo nifuzaga ko uwitwaga umunyamakuru wese byamwinjira mu mutwe kuko mbona inyandiko zabo hafi ya zose ziba zitagamiye kubaka muri ubwo buryo. Nk'ubu nabonye ibyinshi muri ibyo binyamakuru biriho ubu byarahagurukiye kurwanya M.R.N.D. ngo bibone uko byamamaza M.D.R. n'ayandi. Abayoboke b'iryo shyamba ntibashyamba kuvugaga ko M.R.N.D. ntacyo yakoze, ngo abategetsi bayo nibwo batumye inkotanyi zidutera, ngo baranzwe no

kunyereza umutungo w'igihugu n'ibindi bibi byinshi. icyo twanze rero, twabwira abasomyi, ni uko abo bayoboke bashakira kudufata nk'abana.

Ubu se tuyobewe ko amenshi mu mazu ari hano i Kigali, kuri plateau no muri quartier commercial, ari ayo abatoni bo kuri Repuburika ya mbere ndetse n'andi menshi kandi akomeye ari icyo hirya iwabo aho bavuka! Tuvugaga se ko bayubatswe cyangwa bayaguzwe mu mushahara twese twiyiziyemo umukozzi wa Leta yahembwaga muri icyo gihe?

Mu migambi ya M.D.R. rero harimo kuzaha umuturage wese ibintu byose afiteye uburenganzira! Mwadufata nk'ibibondo ye! Tuvugaga rero ko muzaha buri munyarwanda wese nk'imodoka, inzu, muhe amashuri abana bese bagize 50% no hejuru yayo, munakore ku buryo buri munyarwanda wese arara ariye, uwabuze ibyo kurya murare mubimugejejeho! Ese ko mutanadusobanuriye aho muzakuraho ayo mafaranga? Kuba mutarasobanuye ibyo muzaha abaturage bafiteye uburenganzira twe dusoma inyandiko zanyu dushobora gutekereza ibyo dufiteye uburenganzira byose kandi tukaba twizeye ko bizatugeraho. Mwaretse kutwizeza ibitungaza, kandi ko mubiterwa n'uko musubiza amaso inyuma mugasanga ntacyo HABYARIMANA atakoze cyari mu bushobozi bwe. Erega ntacyo mwakwirirwa mutubeshya kuko abanyarwanda twese turaziranye. Uretse ko mwe mubyita amashyamba mugeni ahubwo njye ndabona ari inzozo mureta izuba riva.

Nawe se, n'ushaka umuntu washatse akazi wabuze kubera ibyaha yagiye akora uzamusanga muri M.D.R., n'ushaka uwahozeho afite umugati akawamburwa kubera imikorere ye nawe uzamusanga muri M.D.R. Niwumva ngo kanaka yabaye umu-mec, uwo azaba ateze amahaho muri M.D.R. Yewe n'abakekwaho kuba baranyereje byinshi ubu barahambira utwangukanye bahungira muri M.D.R. kuko umuyobozi wa M.R.N.D. aherutse gutangaza ko abameze batyo bagaye kuzabiryoze! Ngaho rero nawe mbwira akakira tuzazanyirwa n'abo bantu bafiteye umujinya n'inzira bingana bityo! Ahaaa!!! Abanyarwanda turi maso. Ubwo se umuntu ushonye atyo yajya kwibuka umuturage we atabanye kwiyuzuriza inda yari imaze imyaka n'imyaka itegereje imigati itayigeramo?

Harya ngo umugambi wanyu ni ukwandagaza abategetsi ba M.R.N.D. mukabangisha abaturage, mukaba mubashyirira amashyamba? Murashyirira n'ubusa. Ejo bundi muri Kongere Idasanzwe ya M.R.N.D. nyiri ubwite HABYARIMANA yivugiyemo ko abafite inda zisumba imitima yabo bagomba kugaragara abakosheje bakabihanirwa. Kubashyirira abandi rero b'inyanga mugayo sibwo bimunaniye. Azabigenza atyo, ndetse n'abandi gutegekeshye igitugu banyuzwe muri icyo nzira, maze tuzumve icyo muzasigara mumurega.

Nyakubahwa umukuru w'itiku SEMUSAMBI, nyuma y'agahenge yari amaze iminsi aduhaye, noneho yatinyutse gutuka umukuru w'igihugu!

Ni agahomamunwa. Ese mwacishije make ko ntawigeze abirukana muri M.R.N.D., ko nanubu itarigera irota kuvangura abana b'u Rwanda, mwayivuyemo neza mutanduranyije, mukajya gushinga cyangwa kubyutsa ishyaka ryanyu mu mahoro mukabana neza n'abo mu yandi mashyaka. Nyamara iyo nibutse ko uwo SEMUSAMBI uri ku isonga rya M.D.R. yacitse umunyururu kubw'amahano ahanganye na M.D.R. muri Repubulika ya mbere, numva ari urwenya rwigendera!

Abatuye mu muji wa Kigali rero twifitiye akarusho kubera abayoboke ba M.D.R. batwirirwa mu matwi batugenda inyuma ngo M.D.R. iratsinze da, ngo kandi izatsinda! Hari uyibujije se ko M.R.N.D. atariyo kamara. Naho ubundi dushyize mu gaciro, twajijurana tukikosora, tukareka gutera indirimbo no gukoma amashyi kandi tumaze gusezerera ababyina: Ngo M.D.R. iratsinze. Itsinze iki? Igitsindiye he? Izatsinda ryari? Umva nawe, ubu turi mu mudendezi nti duhatswe, nta n'ubwo tuzahakwa. Twasezereye burundu ingoma ya cyami, ingoyi ya gihake nayo birajyana. Ntidusubira inyuma. None se iyo Mudeli izatsinda ubuhe buhake buzagaruka bwa kabiri ko n'ubwari bwihandagaje mu gukotana Umugaba w'Ingabo HABYARIMANA yabukomye imbere Ingabo z'igihugu tukazitura icyivugo na n'ubu akaba ari cyo dutaramana.

Iryo banga ry'umutamenwa abaturarwanda twakoresheje mu gutera inkunga ingabo zacu, si ubumwe dukesha Muvoma ariyo ntware abaserire badushyikirije kugira ngo dufatanye twese duhashye umwanzi?

Icyakora icyo tuzi abasomyi, ni uko M.R.N.D. ari ubukombe, kandi ko nta rindi shyaka ryahangara kuvuga ngo birarushya. Mu gifaransa baravugaga ngo «Il ne faut jamais chanter la victoire avant la guerre». Nimwihangane rero amatora aze, tubifurije gutsinda, maze mubone kutwicisha iyo ndirimbo. Aha rero niho ngirango nshimire M.D.R., nyishimire ko yadufashije kwigobotora ingoyi ya gihake. Hari n'ibindi tuzi twese yadukoreye kandi ikwiye gushimirwa. Nijyane ibyo rero kandi birayihagije.

Reka ahubwo nje mbagire inama yo gusiza ikibanza cyanyu muzashingamo ishyaka ryanyu mukaryubakira bityo mukabona uko muritoshya, aho guhugira mu matiku n'ibinyoma murangaza rubanda.

Dore nk'uku M.R.N.D. iriyamamaza namwe mukiri muri ayo! nkaba mbona rero n'amatora azagera mutariyamamaza ngo murajorora M.R.N.D. Mboneyeho n'umwanya wo kwibutsa abashaka gushinga amashyaka ko kugeza ubu M.R.N.D. ariryo shyaka ryemewe n'amategeko. Abo rero dukunze kubona inyandiko zabo mu binyamakuru cyangwa tukabiyumvira, bavugaga ngo M.R.N.D. iraryamira andi mashyaka, ngo nibe ihagaze, ngo iriyamamaza andi mashyaka ataratangiraAyahe mashyaka se? Kugeza ubu itegeko nshinga ryemera M.R.N.D. gusa. Ntarindi shyaka rero ryemerewe ibyo byose igihe amategeko atarahindurwa. Umukuru w'igihugu yatanze gahunda, ni ukuyitegereza rero tukayikurikiza.

Yewe, ntawe uneza rubanda koko. Uzi ko hari n'abo niya numva bavugaga ngo ese ubundi ninde wamubwiye ngo nashyireho ayo mashyaka menshi? Ngo yagombaga kureka twebwe abaturage tukabimwisabira! Mu buhe buryo? Mu myigaragambyo! Ngaho namwe nimumbwire niba abo bantu badushakira amahoro. Twese uko tubizi, ko bashakaga ayo mashyaka, bikaba bigaragara yuko Umubyeyi yaborosoye babyukaga, batuje ko icyo bashakaga bakibonye bakidagadurira mu mahoro. icyakora ndabibutsa ko amategeko tugenderaho atemera iyo myigaragambyo, ko uzayikinisha akamanurwa muri 1930, ntazavuge ko yarenganye, ngo ko hatubahirijwe uburenganzira bw'ikiremwa muntu, kandi yishe amategeko igihugu kigenderaho ayareba. Naho ubundi nidutangira kwiycira amategeko twishyiriyeho, ntaho tuzaba tugana. Aha rero ndagirango nibutse kandi ngaragaze ko kugeza ubu ibyo M.R.N.D. ikora ibifitiye uburenganzira ihabwa n'amategeko y'u Rwanda, ko idatandukira, kandi ko idashobora guhagarara amategeko adahindutse. Ubwo turi rubanda, dukwiriye

gushishikaza intumwa zacu twitoreye mu buryo bwemewe n'amategeko zikabidutunganyiriza mu maguru mashya, naho ubundi nitwigereza, tuzabura byose nk'ingata imennye. Uzashaka kunyomoza azabanze asome ayo mategeko, maze aze tujye impaka.

Umuyobohe wa M.R.N.D./Kigali.

KANGURA IRASOBANURA IBYO YANDITSE MU RWANDIKO RWASOHOTSE MURI KANGURA N° 14.

Mu by'ukuri, ntabwo twasabye imbabazi abatutsi, kandi nta cyaha twakoreye abatutsi. Twebwe twashatse gusobanurira abasomyi bacu ko tugiye gutangira gusobanurira abanyarwanda icyo abaturage bateze ku butegetsi bw'amashyaka menshi. Dore ko inyuma y'ayo mashyaka hihishye byinshi, ibyiza n'ibibi. Umurimo wacu rero wo gukomeza gutahura amayere y'inyoko ntutsi, ntabwo wahagaze, ahubwo uracyakomeza. Ese ubundi mwabonye he umututsi ukundana, umuhutu? Ese ibikorwa n'abatutsikazi barongorwa n'abahutu ni nde utabizi, cyangwa se utabibona? Ese aka kanya sa mwiye bagije ubutasi bukorwa n'abatutsikazi mu bahutu? Bahutu mutunze abatutsikazi, kuki mubyara abana basa na banyirarume cyangwa babyara b'abagore banyu. Twebwe rwose twiyemeje kuba ijwi rya rubanda nyamwinshi, kandi aho umuhutu aherereye ntawe utahazi. Gusa ikibabaza ni uko umuhutu kugeza ubu atamenya ko hari imitego y'ubwoko bwinshi agenda ategwa n'abatutsi, cyane cyane bariya biyise inkotanyi.

Gusa icyo umuntu yafataho isomo ku batutsi, ni uko bafite ubwumvikane bwabo, bikaba byagombye kubera abahutu urugero. Kuko kugira ngo tuzatsembe imigambi y'inyoko mwanzi-inkotanyi ni uko tugomba kungabwumwe, n'ubwo mwene gatutsi atazatambamira icyo gitekerezo. Kangura rero nta na rimwe izihanganira uburetwa bw'abatutsi.

Murakoze.

NKWITUMIRE KURI MFIZI CHRISTOPHE WAHOZE ARI UMUYOBOZI WA ORINFOR.

Nawe ubwe ntiyabyumvise! We ni MFIZI Christophe, icyo atumvise ni ihindurwa rye. Ntiyanyazwe yahawe indi mirimo. Aracyari Umuyobozi Mukuru (muri Minisiteri y'Amashuri Makuru n'Ubushakashatsi mu by'Ubuhanza) ushinze Ubugenzi n'Umukozi. Ntacyo abuze uretse ahari «505» ifite bya birahuri byadutse bita «fumées».

Ntacyo dupfa. Ariko aho ari aho muri Minisiteri yari akwiye gusubiza amaso inyuma akibuka ko nawe ari umuntu nk'abandi, atari ikigirwamana, ko atari we uzi ubwenge wenyine, kandi ko ataremewe gutegeka.

Abatazi uwo mugabo bamwumvise kuri Radiyo gusa cyangwa se basomye inyandiko ze, batwawe n'igifaransa cyane cyane (kumenya kuvuga neza) cyangwa se inyandiko ze zitagomba kumvwa na rubanda rubonetse nk'uko yabyifuzaga.

Nyamara uwavugaga ay'inzuki ubuki ntibwaribwa. Yari umuntu wibwiraga ko ORINFOR (ikigo cya Leta) ari umugabane we. Ibyo bikagaragara mu micungire y'icyo kigo yacungaga nk'ucunga urugo rwe. Reka duhere ku bakozi: ORINFOR, abantu bitaga ORIMFIZI kuko yasaga nk'uwagize icyo kigo icye, yarangwaga n'abakozi benshi badafite icyo bamariye ikigo, kuko abenshi muri bo ntacyo bari bashoboye kindi uretse guhakwa. Utazi guhakwa akahagwa. Amatiku yo muri ORINFOR ntawe utayazi yose, agashyikirwa n'uwahoze ayiyobora we wifuzaga ko umukozi ahora iwe buri cyumweru kumwifuriza gusa umwaka muhire na Noheri nziza umwaka ntaho uragera.

Yifataga nk'umuhinza (niba ari umuhutu!). Reka nako tuvuge ko yifataga nk'umwami niba ari umututsi dore ko yabakundaga nk'inka imwe. Ugasanga abakozi barimo ibice bitandukanye, harimo abatoni, abakozi basanzwe n'abo «umwami» asa n'abo yacye. Ibyo byagaragariraga cyane mu gutanga amashimwe mu bakozi, kubaguriza cyangwa se kubohereza muri za «reportages» cyangwa stages. Ntawe

byari bigatangazaga umukozi agurijwe atari yamara n'ukwezi na kumwe, mu gihe hari abahasaziye nta n'ikosa akenshi babaga barakoze, uretse gusa kudatona iwe. Byagezaga n'abo iryo kundwakaza rikabya, nk'ibyabaye ku «cyamamare» Agnès MUREBWAYIRE, aho akanama gashinzwe gutanga inguzanyo kamugeneye amafaranga agomba kubona bakurikiye amafaranga ahari n'abakozi bayatse, sibwo umunyakibungokazi, «umututsikazi wawe» ayagaramye! Impamvu? Ngo ni make!!! Akiyibagiza ko hari abandi bari bayakeneye. Yapfuye kubikoza inshuti ye gusa MFIZI. Ubwo ahita ategeka ko bamwongerera ibihumbi ijana (100.000 Frw) kuri 250.000 Frw yari yemerewe. Kandi ubwo wenda umutungo wa ORINFOR utanabimwemerera ntiyirirwe anabaza ushinze kuwucunga.

Cyangwa se kohereza abakozi muri za «reportages»! Uko guherekeza Umukuru w'Igihugu akagufatira nk'animateur cyangwa se ukora ibiganiro (producteur) badafite aho bahuriye n'itaramakuru, akaba ari bo yohereza. Akazi bakakazambya birumvikana, bakagukorera ibiganiro ngo ni amakuru. Byose ngo ni ugutanga umugati! Sibwo umunsi duterwa n'inkotanyi Agnès MUREBWAYIRE (twese tuzi ibye), yari muri Leta Zunze Ubumwe z'Amerika.

Ngo tariki ya mbere z'Ukwakira, Agnès MUREBWAYIRE wari uzi umugambi wa RWIGEMA na bagenzi be, yaravuze bamubwiye ko u Rwanda rwatwe, ati: «koko di, uzi ko ari le premier!». Ngo ibyo byose ni ugutanga umugati. Twigeze kuvugabwira «stages», nta mukuzi MFIZI yoherezagaga kwihugura agiye kwiyungura ubundi bwenge. Yagufatiraga nk'umuntu ukora muri secrétariat cyangwa se comptabilité, akamwohereza muri «stage» igenewe ubundi abanyamakuru. Iyo nanone atoherezagaga umuntu muri stage itangwa mu rurimi atumva kandi abarwumva bahari.

Christophe MFIZI akaba nanone yari umuntu wiyemera, akaba azi ko ari we ufite diplôme wenyine, kandi akaba azi ko diplôme afite (licence) ari yo kirenga ku buryo atemeraga cyane licence z'abakozi be cyangwa bagenzi be. keretse ngo baranyuze muri Christ Roi i Nyanza bakarangiriza i Louvain mu Bubiligi, nabwo bazi ikilatini....!

Mu kwiyehera kwe, MFIZI Christophe mu ijamba rye ryo gusezera ku wamusimbuye ku buyobozi bwa ORINFOR muri Hoteli Kiyovu, arihandagaza ngo asize «ibitengo» bituzuye. Ngo agiye adategetse Radiyo izaba ifite émetteur ishobora kumvikana muri Afurika yose, ngo asize adategetse télévision nyarwanda, nk'aho ari we wenyine ushobora kuzuza ibyo bitengo. Nyamara twumva ko n'umutungo wagenewe télévision washize itari yatangira!

MFIZI Christophe akaba no ku ivangura-moko yarageragaho. Ni umuntu wifata nk'«imfura», kandi iyo urebye ugasanga adasa nazo. Nawe agakunda abo akeka ko ari «imfura» nka we. Abandi akabita abahutu. Ubwoko bw'umukozi akaba ari bwo bumuhangayikisha mbere y'ibindi, nk'aho ubwoko ari bwo bukora akazi! Ku bategarugori n'abari bo byari bikabije, kuko kugira ngo aguhe akazi wagombaga mbere na mbere kugira isura nziza. Inkuru yari imaze gukwira ko ORINFOR yuzuye ibizungereze. Maze uwo muyobozi akirirwa abaza abo ba «secrétaires particulières» be niba koko ari «imfurakazi». Nabo birumvikana bakabimwemerera bakanabimwereka muri byose!

Nguwo uwari yaramaze abantu ngo ni intiti. Akarimi karyoshye ko yari agafite! Twibutse ko yiyemeje gukora uko ashoboye kwose ngo ananize uwamusimbuye. Ibyo muzabizanga munyandiko Mfizi azajya ahitisha kenshi mu banyamakuru byigenga byo mu Rwanda.

Murakoze, yari MUTSINZI.

M.R.N.D. IGAMBANIRWA UKO BWIJE N'UKO BUKEYE!!!

Ubusanzwe mu mucu wa kinyarwanda, abantu bataramaga nimugoroba bakaganira bagaca n'imigani, bakavuga ko ntawe uca umugani ku manywa. None twe ab'ubu, guca umugani ku manywa ntibikizirizwa. Mperutse kunyarukira hafi y'i Remera nyuma y'amasaha y'akazi, nsanga ari abagabo, abagore n'abakobwa b'abakozi bataramye, umukuru muri bo arihanukira ati: reka mbacire umugani:

Umugabo witwa NTIGULIRWA Benedigito, akaba ari Minisitiri w'Imari, yamaze kunoza umugambi we n'abo bafatanyije mu ba Minisitiri badashyigikiye M.R.N.D, nuko barangije bawuzana mu nama ya Leta (Conseil du Gouvernement), maze abari muri iyo nama nabo bahuriza hamwe mu gushyigikira uwo mugambi, ndetse na nyirukugambanirwa ari we Perezida wa Muvoma ahibereye. Muti uwo mugambi ni uwuhe? Ntawundi ni ugusibira amayira M.R.N.D. Muti mu buhe buryo?

Mwese muzi ukuntu ikibazo cyo kugurisha amazu ya Leta cyashyuhije imitwe y'abanyarwanda. abenshi muri

ya mibonano yagiye ihuza uwari Minisitiri w'Imigambi ya Leta NZABONIMANA Kalisiti na Kongere z'amaperefegitura (Congrès préfectoraux) bakamaganira kure icyo gitekerezo. None hiyongereyeho ikindi kibazo cy'incamugongo cyo gutanga 8% cy'umushahara wa buri kwezi ku bakozi, n'imisoro y'inyongera idasanzwe ku bacuruzi, kugira ngo tuzibe icyuho mu ngengo y'imari ya Leta. Njye rero ndareba ngasanga iyo ubukungu bw'igihugu bumeze nabi, n'umuturage wese aba amerewe nabi. Ubwo rero ari ikibazo rusange, ndumva twese dushobora kucyihanganira, n'iryo gurishwa ry'amazu rikaba ryitonde-shejwe, amashyaka akabanza agashyirwaho, ibyo bibazo byose bigasubirwamo, bikabanza kwemezwa n'amashyaka yose, kugira ngo hatwo batavaho babyegeka kuri M.R.N.D. ngo niyo yagurishije umutungo w'igihugu (amazu n'amamodoka), ngo ni nayo igambiriyeye gusonga abaturage ibaka amafaranga, kandi kwitegeko kuko itashoboye kwaka imisanzu yajyaga yaka nk'uko byatangiyeye

Ikibabaje rero, ni uko icyo cyemezo cyafatiwe mu nama ya guverinoma,

abaminisitiri bashyigikire M.R.N.D. bakacyemera uretse ko Perezida yasabye ko babanza bakabaza abakozi icyo babitekerezaho. Icyo abantu benshi bakomeje kwibazaho, ni ukuntu ibitekerezo n'ibyemezo nk'ibyo bisongaga igihugu n'abagituye, bifatwa n'inzego nkuru z'ubuyobozi bw'igihugu mu izina ry'umuyobozi twitoreye tumukunze, tumuziho ubushishozi, ubwitonzi n'ubuhanga adahwema kutugaragariza. Ubwe dusanzwe tuzi neza ko akunda demokarasi, Perezida wa Repubulika yatwemerereye amashyaka menshi yubaka kandi twihitiyemo mu bwisanzure, turamushima. Ni ngombwa rero ko icyo cyemezo gishyirwa vuba mu bikorwa, kugirango abantu bareke gutsindagirwa imyanya itabakwiye, maze babone uko babogamira ahababereye. Ariko kandi byaba byiza Perezida atabyise kumugondoza, akadushyirira ahagaragara abamugira inama, tukababona kandi tukabamenya kugira ngo ibitekerezo n'ibyifuzo byacu tumenye ababinyigira n'amakosa adukorerako, tumenye abayamukoresha baryozwe imirimo yabo.

Umusomyi wa KANGURA.

ABAVUNJA AMAFARANGA BAVUKA KU BAHUTU N'ABATUTSI BO KU GISENYI BASHYIZEHO IKINYAMAKURU KITWA «LE MATIN-URUYANGE».

Nyuma yo gufungura ibyitso by'inkotanyi byari bifunzwe, bimwe muri ibyo byitso byahise bishyiraho ikinyamakuru cyandikirwa ku Gisenyi, ngo integano yabo akaba ari ugusohora i numero eshatu gusa. Tubanze turebere hamwe abo bacyandika.

1. BAGOI Hassan, mwene Mussa Gasatura, umututsi ukomoka i Nyanza akaba acumbitse ku Gisenyi.
2. HAMADA Sefu icyitso cy'inkotanyi cyakoraga muri Meridien ku Gisenyi cyafunzwe igihe inkotanyi zafungwaga, maze nawe aza gufungurwa na Minisitiri w'abatutsi, nk'uko IJAMBO ryabivuze. Akaba

ari mwene SEFU na nyina w'umututsikazi batuye ku Gisenyi.

3. MOHAMEDI Sefu, umusaza udakunze kwigaragaza, ukomoka ku babyeyi b'imvange hutu + tutsi = hutsi. Nyina ni umututsikazi, ise akaba yaritabye Imana ari umuhutu, umuhungu we asigara ari umuhutsi.
4. Mohamedi OMAR, umuvunjayi ukomeye wigeze gutoroka kubera amafaranga yari yibye ku Gisenyi, aza gutorokera muri Zayire aho yaje gufungirwa, ahava atorotse. Dore ko agarutse Leta yagurishije ibye kugira ngo ihe bene kwibwa barimo CYABAKOBWA na nubu bagifitanye urubanza.

5. Djuma KIBATA bavuga ko yateye Padiri igipande, akaba ari umujyana wabo. Twibutse ko ise wa Muhamedi OMAR witwa Gitama nawe ari umuhanga mu gutera utwatsi (Kuragura) ushaka inzaratzi yanyura kuri Journal «Le matin-Uruyange».

Twibutse ko icyo kinyamakuru kizamamaza ibitekerezo bya F.P.R., dore ko kivuye ngo Leta yafungiyeye ibyitso by'inkotanyi ubusa. Abo bene kwandika icyo kinyamakuru batijwe inzu na Colonel NGAYINTERANYA, nawe uvugwaho byinshi muri iki gihe.

Yari Conseiller SIBO.